

Mandinka - Nooroo Keloo Kitaabu Senuŋo - SW Intro Scriptures

Luka 17:5 Bituŋ saayiboolu ko Maariyo ye ko, “N na lannoo kafu!”

Roomankoolu 10:17 Baawo lannoo ka naa ka bo niŋ kawandoo moyoo le la, aduŋ kawandoo ka naa ka bo niŋ Kiristu la kumoolu le la.

Luka 11:1 Luŋ doo le la, Yeesu be duwaa kaŋ dulaa doo to. Kabiriŋ a pareeta, a la saayibe kiliŋ ko a ye ko, “M Maarii, n karandi duwaa la ko Yaayaa ye a la saayiboolu karandi ñaamen!”

1 Timoti 2:1-4 Foloo-foloo, ḥa yaamaroo dii le ka daaniroo niŋ duwaa ke, ka duwaa moolu ye, aninj ka tenturoo ke moolu bee la kuwo to, 2 sako mansoolu niŋ kantiyolu, fo n si baluu noo kayiroo niŋ tenkuŋo kono, n niŋ horomoo, Yehowa la siloo la. 3 Wo le beteyaata, aduŋ kuu le mu, Yehowa n na Kiisandirilaa sonta menj na, 4 ate menj hameta, moolu bee ye kiisoo soto, aninj ka londi koyoo soto tooñaa to.

Luka 22:31 Wo to le Maariyo ko, “Simoni, Simoni! Semboo diita Seetaanoo la le ka ali tenteŋ ka kesoolu niŋ fuufulewolu bo ñoo to.

Jakariya 3:1,2 - Yuuda 1:9 Hani Malaayika Kuntii Mikayeli fano maŋ haañi ka Ibiliisa tuumi niŋ tooñeeri kumoolu la, birinj i dunta ñoo la Annabilayi Musa furewo la kuwo la. Wo noo to, a ko a ye le ko, “Maariyo ye i jalayi le!”

Efesusinkoolu 6:12 Kaatu m maŋ tara hadamadiŋolu kele kaŋ, bari kantiyolu, sembetiyolu aninj maralilaalu, menu be marariŋ ñiŋ duniyaa diboo ma. N jawoolu mu seetaani jawoolu le ti, menu be dinkiraalu to saŋ fatoolu kono taariŋ.

Efesusinkoolu 6:10,11 Labaŋo la, ali bamban Maariyo kono, a la sembe baa ye ali sembentunyaa. 11 Ali kelejooranolu bee taa, Yehowa ye menu dii ali la, fo ali si balan noo Ibiliisa la feere jawoolu ma.

Efesusinkoolu 6:13-17 Wo kamma la, ali kelejooranolu bee taa, Yehowa ye menu dii ali la, fo ali si loo noo bambandinke wo luŋ jawoo la, aduŋ ali be loo noo la le hani keloo bandiŋ koolaa. 14 Wo to, ali si ali tewo siti niŋ tooñaa la, aduŋ ali si tiliŋo duŋ ka ke ali la sisi tankandirano ti. 15 Ali samatoolu duŋ, wolu le mu ka tara pareerij ka kayiroo la kibaari betoo janjandi. 16 Kuwolu bee to, ali lannoo la koteeroo taa fo ali si Seetaanoo la kalabeñe dimbaamaalu bee faa noo. 17 Ali tankandirilan naafuu duŋ menj mu kiisoo ti, aninj Nooroo la hawusaroo menj mu Yehowa la kumoo ti.

Hiburunkoolu 4:12 Yehowa la kumoo be baluuriŋ ne, a nene buka lamfu. A diyaata le ka tambi hawusari daa fuloo bee la. A ka duŋ konoto le ka sondomoo niŋ nooroo talaa, a ka cokoo niŋ yuwo bondi ñoo bala le, aduŋ a

ka miiroolu niŋ feeroolu kiitindi le, menu be maaborij sondomoo kono.
Luka 4:8 Wo to le Yeesu ye a jaabi ko, "A be safeerij ne ko: 'Ali si sujudi
Maariyo, ali la Yehowa ye, aniŋ ali si ate doron batu.' "

Efesusinkoolu 6:18 Ali duwaa waati-wo-waati, ali ye daaniroo ke Noora Kuliŋo
kono. Wo kamma la, ali tara pareerij, ali ye wakiili duwaa la moo senuŋolu
bee ye.

1 Samuweli 17:45-47 - Dawuda & Goliath

Luka 10:17-20 Wo moo taŋ woorowula niŋ fuloo, i niŋ seewoo muruta naŋ
Yeesu kaŋ. I ko, "M Maarii, hani seetaani jawoolu ye i fanjolu seyi m ma niŋ
i too la!" 18 Bituŋ Yeesu ko i ye ko, "Da Seetaanoo je le, a boyita naŋ ka bo
Arijana kono ko saŋ ḥalasoo. 19 Ali a juubee, ḥa kaŋo dii ali la le ka saalu
niŋ buntaloolu dori, aniŋ ali jawoo Seetaanoo semboo bee kaŋ. Aduŋ feŋ-
wo-feŋ te ali barama la. 20 Hani wo ḥaa-wo-ḥaa, ali kana seewoo ko,
seetaani jawoolu ye i fanj seyi ali ma le, bari ali seewoo, kaatu ali toolu
safeeta Arijana kono le."

2 Korintinkoolu 10:3-5 M be baluuriŋ hadamadiŋyaa kono ḥaa-wo-ḥaa, bari m
buka keloo ke ko hadamadiŋolu ka a ke ḥaameŋ. 4 Ntolu la kelejooranolu
maŋ ke niŋ duniyaa kelejooranolu ti, bari ḥa Yehowa la sembe baa le soto
ka tata bambandiŋolu kasaara. N ka moolu la soosooroolu tiňaa le, 5 aniŋ
fanj waroo siifaa bee, menu si ke kalewo ti moolu ye ka Yehowa loŋ. N ka
moolu la miira jawoolu bayi le fo i si Kiristu batu.

2 Timoti 1:7 kaatu a maŋ ke jooteeyaa nooroo ti, Yehowa ye menj dii n na, bari
semboo, kanoo aniŋ fanj mutoo nooroo.

Matiyu 12:28,29 Bari niŋ n ka seetaani jawoolu bayi niŋ Yehowa la Nooroo le
la, wo to Yehowa la mansabaaya naata ali kaŋ ne. 29 "Fo moo si duŋ noo
kee sembemaa la buŋo kono ka a la sotofeŋolu buusi a la, fo niŋ a ye wo
kee sembemaa siti foloo? Wo to le a si a la sotofeŋolu buusi noo a la.

Efesusinkoolu 1:13 Ka bo niŋ ate Kiristu le la, tampu senuŋo keta alitolu fanaa
bala, kabiriŋ ali ye tooňaa kumoo moyi, menj mu kibaari betoo ti kiisoo la
kuwo to, ali laata. Wo tampoo mu Noora Kuliŋo le ti, menj laahidita nuŋ,
Kiilaalu 19:6 Pawulu ye a buloo laa i kaŋ doron, i faata niŋ Noora Kuliŋo la. I
diyaamuta niŋ kaŋ koteŋolu la, aniŋ i ka kiilaariyaa kumoolu fo.

Maaka 16:15-18 Bituŋ a ko i ye ko, "Ali taa duniyaa bee kono, ali ye kibaari
betoo kawandi hadamadiŋolu bee ye. 16 Moo menj laata, adunj a batiseeta,
wo be kiisa la le, bari moo menj marj laa, wo be halaki la le. 17 Aduŋ niŋ
taamanseeroolu le be je la ka bo niŋ lannamoolu la: I be kali seetaani
jawoolu bayi la niŋ nte too le la, adunj i be diyaamu la niŋ kaŋ koteŋolu la le.
18 Niŋ i ye saalu sika waraŋ i ye posinoo miŋ, feŋ te ke la itolu la. I be i
buloolu laa la kuurantoolu kaŋ ne, adunj i be kendeyaa la le."

1 Yohana 1:9 Niŋ ñ ka tuubiseyi ñ na junuboolu la, Yehowa foroyaata le, aduŋ a tilinta. A be yamfa la ñ na junuboolu la le, aduŋ a be ñ seneyandi la le ka bo ñ na tilimbaliyaa bee kono.

Jabuura 109:17 - Yankuba 3:10 Jayiroo niŋ dankaroo ka bo daa kiliŋo kono! M baadiŋolu, wo maŋ ŋaŋ na ke la muumeeke.

Kiitindi 16:16 - 2 Pita 2:7,8 Bari a ye Luuti kanandi, meŋ keta nuŋ moo tilindiŋo ti, aniq meŋ niyo toorata moolu la malubaliyaa kuwolu jowo kamma la. 8 Kaatu wo moo tilindiŋo meŋ tarata moo luwaantajanolu kono, a ka i la kebaaroolu menu je luŋ-wo-luŋ, aniq a ka menu moyi, wolu le keta toora baa ti a sondome tilindiŋo ye.

Efesusinkoolu 4:26 Ali la kamfaa kono, ali kana junuboo ke. Ali la kamfaa kana tara ali kono fo tiloo ye boyi.

Roomankoolu 14:12 Wo to, ntolu meŋ-wo-meŋ ne be m̄ faŋolu kontibo la Yehowa ŋaatiliŋo la.

1 Yohana 2:23 Moo meŋ balanta Dinkewo la kuwo la, wo maŋ a Faamaa soto. Bari moo meŋ sonta Dinkewo la kuwo la, wo maarii ye a Faamaa fanaa soto le.

Yohana 14:6 Yeesu ko a ye ko, "Nte le mu siloo ti, tooňaa aniq baluwo. Moo-wo-moo te naa noo la m Faamaa yaa, fo niŋ a naata ka bo niŋ nte la.

Matiyu 11:28-30 Ali naa nte kaŋ, alitolu bee menu ye bataa soto aniq duni kuliŋo. M be ali dahandi la le. 29 Ali n na yookoo duni aniq ali kuwolu karaŋ m bulu, kaatu ŋa tenkuŋo niŋ fammajiyo soto n sondomoo kono le, aduŋ ali niyolu be dahaa la le. 30 Kaatu n na yookoo sooneeyaata le, aduŋ n na dunoo maŋ kuliya."

2 Korintinkoolu 6:2 kaatu Yehowa ye ŋiŋ ne fo ko: "Biriŋ n na hiinoo waatoo siita, ŋa i danku le. Biriŋ kiisoo luŋo siita, ŋa i maakoyi le." Ali a juubee, saayiŋ ne mu hiinoo waatoo ti, adun saayiŋ ne mu kiisoo luŋo ti!

Roomankoolu 10:13 Wo kamma la a be safeeriŋ ne ko, "Moo-wo-moo meŋ ka Maariyo too kumandi, wo be kiisa la le."

Exodus 20:5 - sin cursed to 3 & 4 generations